

ქ. თბილისის მერია



ქ. თბილისში, მდინარე მტკვრის მარჯვენა სანაპიროს ტერიტორიაზე მარტივი ტიპის
ხელოვნურსაფარიანი სპორტული მოედნების მოწყობა, აღდგენა–რეკონსტრუქციის
სამუშაოების სახელმწიფო შესყიდვის ელექტრონული ტენდერი

სატენდერო დოკუმენტაცია

ქ. თბილისი

სარჩევი

1. ინსტრუქცია ტენდერში მონაწილეობის	3
2. ტექნიკური მოთხოვნები	4
3. სხვა მოთხოვნები	7
4. ხელშეკრულების უზრუნველყოფის საბანკო გარანტია	8
5. დამატებითი ინფორმაცია	8
6. სახელმწიფო შესყიდვის შესახებ ხელშეკრულების პროექტი	9
7. დანართი N1, სამუშაოების ხარჯთაღრიცხვა.....	15
8. დანართი N2, გარანტიის ფორმა	18
9. დანართი N3, გამოცდილება	19

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. ტექნიკური და სხვა მოთხოვნები:

2.1 შესყიდვის ობიექტის ტექნიკური პირობები:

ქ. თბილისში, მდინარე მტკვრის მარჯვენა სანაპიროს ტერიტორიაზე მარტივი ტიპის ხელოვნურსაფარიანი სპორტული მოედნების მოწყობა, აღდგენა–რეკონსტრუქციის სამუშაოები:

	სამუშაოს დასახელება	განზ.	რაოდენობა
1	მოედნის ფართობის მომზადება სამუშაოების დასაწყებად	კვ.მ	20000
2	მიწის სამუშაოები ხელით ქვაბულში, ტრანშეებში, არხებში და საფუძვლის პლანირება	კუბ.მ	180
3	რკ/ბეტონის ფუნდამენტის მ200 ცოკოლის მოწყობა მოედნის მოვლ პერიმეტრზე ქარგილებით (ა-III კლასის არმატურით)	კუბ.მ	150
4	მოედანზე ბალასტის გამასწორებელი ფენის შეტანა, გაშლა და დატკეპნა 95% სიმკტიცეზე	კუბ.მ	305
5	შერეული ფრაქციის (20-40) ღორღის შეტანა გაშლა და დატკეპნა	კუბ.მ	1100
6	კომბინირებული მოედნისათვის ნორმის შესაბამისად ბეტონის (მ-250) საფარის მოჭიმვა სისქით საშუალოდ 5სმ და წყლის გადასაყვანად ზედაპირის ქანობის მოწყობა 0,5-0,65%-ის	კუბ.მ	895
7	დ=100მმ პლასტმასის მილის დატანება ზედაპირიდან წყლის გადასაყვანად	გრძ.მ	30
8	არსებული ხელოვნური საფარის დემონტაჟი და გატანა სპეც. ნაგავსაყრელზე	კვ.მ	20000
9	ხელოვნური საფარის (25მმ) შეტანა, გაშლა და დაწებება (დანაკარგების 5%-ს გათვალისწინებით)	კვ.მ	21800
10	ლითონის (80/80მმ) მილკვადრატების მოწყობა	გრძ.მ	1900
11	ლითონის 40მმ-იანი მილკვადრატების მოწყობა განივად დასამაგრებლად	გრძ.მ	5200
12	არსებული ლითონის ბადის და კონსტრუქციის დემონტაჟი დატვირთვა და დასაწყობება	კვ.მ	16000

13	მოედნის შემოღობვა პლასტმასის გარსით იზოლირებული 4მმ-იანი ლითონის მავთულბადით. იგივე მასალის მავთულის სამაგრებით 05 მეტრი ინტერვალით	კვ.მ	17100
14	ბაგირის დამჭიმი	ცალი	720
15	მავთულბადის დამჭერი ბაგირი (4მმ) იზოლაციით	გრძ.მ	19700
16	მავთულბადის დამჭერი ზოლოვანა	გრძ.მ	520
17	მოედანზე შესასვლელი კარის მოწყობა (40X40 მილკედრატით) კუთხოვანაში ჩასმული ბადით	ცალი	64
18	მოედანის თავზე გადასაკერელი ბადე	კვ.მ	2000
19	ბადის დამჭერი ბაგირი იზოლაციით	გრძ.მ	900
20	ფეხბურთის კარების მოწყობა 76მმ-იანი მილებისაგან	ცალი	36
21	ფეხბურთის კარის ბადის მოწყობა	ცალი	90
22	მეტალო კონსტრუქციების შეღებვა	კვ.მ	4400
23	გარეცხილი ქვიშის შეტანა და გაშლა	კუბ.მ	360
24	კალათბურთის ბოძის (120X120), მილ-კვადრატით მოწყობა	ცალი	24
25	ტრიბუნების კარკასის მოწყობა ფოლადის კვადრატული მილებით (80X60მმ)	გრძ.მ	720
26	ტრიბუნების კარკასზე გარანდული ხის ფიცრით (სისქე 5სმ) იატაკის მოწყობა	კუბ.მ	7
27	დასაჯდომი პლასტმასის სკამების მოწყობა	ცალი	200
28	ტრიბუნების; ფოლადის კვადრატული მილების და ხის კონსტრუქციების შეღებვა ორ ფენად მაღალი ხარისხის საღებავით	კვ.მ	420
29	არმირებული ბეტონის მოჭიმვა 7სმ (მ250)	კვ.მ	1300
30	არსებული მილის (76მმ) დაგრძელება	გრძ.მ	400
31	განივი მილების მონტაჟი სტადიონის პერიმეტრზე (ფ40)	გრძ.მ	6200

32	კალათბურთის ბოძზე ფარის მოწყობა 2მმ-იანი ფურცლოვანი ფოლადით (80სმX125სმ), მილკადრატის (20X20) 8,2გრ/მ კარკასით	ცალი	40
33	კალათბურთის ფარებზე რკალის და ბადის მოწყობა	ცალი	90
34	სამშენებლო ნაგვის დატვირთვა და გატანა ნაგავსაყრელზე	ტონა	130

- ელექტრონულ ტენდერში გამარჯვებულ პრეტენდენტს შემსყიდველის მოთხოვნის შესაბამისად უნდა შეეძლოს არანაკლებ 15 (თხუთმეტი) ადგილას ერთდროულად სამუშაოების წარმოება.

ხელოვნური საფარის და მავთულბადის ტექნიკური მახასიათებლები:

ხელოვნური საფარი:

- ბალახის მასალა – monofilaments yarn wshape
- ბალახის სიმაღლე – 25მმ +/-5%
- ნაკერებს შორის მანძილი არაუმეტეს 3/8ინჩი
- ბალახის ღეროს რაოდენობა 1კვ.მ. – არანაკლებ 200 000
- DTEX - არანაკლებ – 10 000
- ფერი – მწვანე
- Density - სიხშირე არანაკლებ – 15 000

მავთულბადე:

- პლასტმასით იზოლირებული არანაკლებ d4მმ;
- გალვანიზირებული მეტალის მავთული არანაკლებ d2.8მმ;
- იზოლაცია PVC არანაკლებ d1.2მმ.
- მავთულბადის უჯრედის ზომა 5X5სმ.

შენიშვნა:

- ✓ ერთიან ელექტრონულ სისტემაში დაფიქსირებული ყველაზე დაბალი ფასის მქონე პრეტენდენტი ზემოაღნიშნული ტენდერის ელექტრონული ვაჭრობის დასრულებიდან (დისკვალიფიკაციის შემთხვევაში მომდევნო ყველაზე დაბალი ფასის მქონე პრეტენდენტი შეტყობინების მიღებიდან) არაუგვიანეს 3 (სამი) სამუშაო დღის ვადაში ვალდებულია წარმოადგინოს ხელოვნური საფარის და მავთულბადის ნიმუში ქ. თბილისის მერიაში, მის: ქ. შარტავას ქუჩა #7, მე-15 სართული.

2.2 გამოცდილება:

2.2.1 პრეტენდენტს 2011 წლის 1 იანვრიდან უნდა გააჩნდეს მინიმუმ 800 000 (რვაასი ათასი) ლარის ღირებულების მარტივი ტიპის, ხელოვნურსაფარიანი სპორტული მოედნების მოწყობასა და აღდგენა-რეკონსტრუქციის სამუშაოების შესრულების გამოცდილება, რაც დადასტურებული უნდა იყოს შესაბამისი დოკუმენტაციით (ხელშეკრულებ(ებ)ი, მიღება-ჩაბარებ(ებ)ი...).

3. სხვა მოთხოვნები:

3.1 სამუშაოების შესრულების ვადა და ადგილი:

3.1.1 სამუშაოების შესრულების ვადა: ეტაპობრივად, ხელშეკრულების გაფორმებიდან 4 თვის განმავლობაში, ყოველი კონკრეტული რაოდენობ(ებ)ის შესრულების მოთხოვნიდან გონივრულ ვადაში, მაგრამ არაუგვიანეს 30 (ოცდაათი) კალენდარული დღის განმავლობაში.

3.1.2 სამუშაოების შესრულების ადგილი: ქ. თბილისის მასშტაბით, მდინარე მტკვრის მარჯვენა სანაპირო, შემსყიდველის მიერ მითითებული ადგილები.

3.2 სატენდერო წინადადების ფასი:

3.2.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

3.3 ანგარიშსწორების პირობები:

3.3.1 ანგარიშსწორება მოხდება უნაღდო ანგარიშსწორებით ლარში.

3.3.2 ანგარიშსწორება მოხდება 2014 წლის თბილისის ბიუჯეტის სახსრებით, ეტაპობრივად, შესრულებული სამუშაოების მოცულობების მიხედვით, მიღება-ჩაბარების აქტის გაფორმებიდან არაუგვიანეს 30 კალენდარული დღის ვადაში.

3.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

3.4.1 სამუშაოების ხარჯთაღრიცხვა დანართი #1-ის მიხედვით.

3.4.2 ინფორმაცია პრეტენდენტს 2011 წლის 1 იანვრიდან მინიმუმ 800 000 (რვაასი ათასი) ლარის ღირებულების მარტივი ტიპის, ხელოვნურსაფარიანი სპორტული მოედნების მოწყობასა და აღდგენა-რეკონსტრუქციის სამუშაოების შესრულების გამოცდილების შესახებ (დანართი #3-ის მიხედვით) რაც დადასტურებული უნდა იყოს შესაბამისი დოკუმენტაციით (ხელშეკრულებ(ებ)ი, მიღება-ჩაბარებ(ებ)ი...).

4. ხელშეკრულების უზრუნველყოფის საბანკო გარანტია:

4.1 თუ ხელშეკრულების საერთო ღირებულება შეადგენს ან აღემატება 200 000 ლარს ტენდერში გამოყენებულ იქნება ხელშეკრულების უზრუნველყოფის საბანკო გარანტია ხელშეკრულების საერთო ღირებულების 2% -ის ოდენობით, დანართი #2-ის მიხედვით.

4.2 იმ შემთხვევაში თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის 21-ე მუხლის 2¹ პუნქტის საფუძველზე შემსყიდველ ორგანიზაციას უფლება აქვს გამარჯვებულ პრეტენდენტს მოსთხოვოს ხელშეკრულების უზრუნველყოფის საბანკო გარანტია ხელშეკრულების საერთო ღირებულების 2% -დან 10%-მდე ოდენობით, დანართი #2-ის მიხედვით.

4.3 ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული სამუშაოების დასრულების საბოლოო ვადას.

5. დამატებითი ინფორმაცია:

5.1 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

5.2 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, ქ. შარტავას ქუჩა #7, მე-15 სართული. საკონტაქტო პირი: ნინო კოტრიკაძე, ტელ: +99532 237 85 68.

*ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს
ტენდერში გამარჯვებული პრეტენდენტის სატენდერო წინადადების შესაბამისად,
ხელშეკრულების გაფორმების პროცესში*

ქ. თბილისი

----- **2014 წელი**

1. ხელშეკრულების დამდები მხარეები

ერთის მხრივ ქალაქ თბილისის მერია (შემდგომში – შემსყიდველი), წარმოდგენილი -----
სახით და მეორეს მხრივ ----- (“შემდგომში მიმწოდებელი”), წარმოდგენილი -----
სახით, საქართველოში მოქმედი კანონმდებლობის შესაბამისად და მათი გათვალისწინებით,
შეთანხმდნენ შემდეგზე:

2. ხელშეკრულების (შესყიდვის) ობიექტი, შესყიდვის საშუალება,

ხელშეკრულების ღირებულება და ხელშეკრულების მოქმედების ვადა

- 2.1 ხელშეკრულების (შესყიდვის) ობიექტია - ქ. თბილისში, მდინარე მტკვრის მარჯვენა სანაპიროს
ტერიტორიაზე მარტივი ტიპის ხელოვნურსაფარიანი სპორტული მოედნების მოწყობა, აღდგენა–
რეკონსტრუქციის სამუშაოები, რომელიც მოცემულია სამუშაოების ხარჯთაღრიცხვაში და
წარმოადგენს ხელშეკრულების განუყოფელ ნაწილს.
- 2.2 შესყიდვის საშუალება ელექტრონული ტენდერი.
- 2.3 ელექტრონული ტენდერის განცხადების ნომერი -----
- 2.4 ხელშეკრულების ღირებულება შეადგენს ----- ლარს, ყველა გადასახადის ჩათვლით;
- 2.5 კლასიფიკატორის კოდი - 45112723.
- 2.6 ხელშეკრულება ძალაშია მხარეთა მიერ ხელმოწერიდან----- - მდე/ჩათვლით.

3. სამუშაოს შესრულების პირობები

- 3.1 სამუშაოების შესრულების ვადა: ეტაპობრივად, ხელშეკრულების გაფორმებიდან 4 თვე,
ყოველი კონკრეტული რაოდენობ(ებ)ის შესრულების მოთხოვნიდან გონივრულ ვადაში, მაგრამ
არაუგვიანეს 30 (ოცდაათი) კალენდარული დღის განმავლობაში.
- 3.2 მიმწოდებელს შემსყიდველის მოთხოვნის შესაბამისად უნდა შეეძლოს არანაკლებს 15
(თხუთმეტი) ადგილას ერთდროულად სამუშაოების წარმოება.
- 3.3 სამუშაოების შესრულების ადგილი: ქ. თბილისის მასშტაბით, მდინარე მტკვრის მარჯვენა
სანაპიროს ტერიტორია, შემსყიდველის მიერ მითითებული ადგილები.

4. შესრულებული სამუშაოს ხარისხი და გარანტია

- 4.1 ხელშეკრულების ფარგლებში შესასრულებელი სამშენებლო სამუშაოების ხარისხი უნდა
შეესაბამებოდეს სამშენებლო ნორმებითა და წესებით გათვალისწინებულ მოთხოვნებს და
სტანდარტებს;
- 4.2 სამუშაოების დასრულების შემდეგ 6 (ექვსი) თვის განმავლობაში რაიმე წუნის
(ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი
(ნაკლოვანებები, დეფექტი) გამოწვეულია უხარისხო და არაჯეროვანი შესრულებით,
მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი
ხარჯებით.

5. ხელშეკრულების შესრულების კონტროლი (ინსპექტირება)

- 5.1 ხელშეკრულებით ნაკისრი ვალდებულებების შესრულების პერიოდულ ინსპექტირებას და კონტროლს ნებისმიერ ეტაპზე ახორციელებს შემსყიდველი ორგანიზაცია.
- 5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მერიის სოციალური მომსახურებისა და კულტურის საქალაქო სამსახურის თანამშრომლები.
- 5.3 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 6.2 ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს აღმოჩენილი შესასრულებელი სამუშაოების გათვალისწინებით, რაზეც გაფორმდება შესაბამისი მიღება-ჩაბარების აქტი.
- 6.3 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.
- 6.4 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 6.5 შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.

7. ანგარიშსწორება და ანგარიშსწორების ვალუტა

- 7.1 ანგარიშსწორება მოხდება უნაღდო ანგარიშსწორებით ლარში.
- 7.2 ანგარიშსწორება მოხდება 2014 წლის თბილისის ბიუჯეტის სახსრებით, ეტაპობრივად, შესრულებული სამუშაოების მოცულობების მიხედვით, მიღება-ჩაბარების აქტის გაფორმებიდან არაუგვიანეს 30 (ოცდაათი) კალენდარული დღის განმავლობაში.
- 7.3 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

- 8.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.
- 8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს დაეკისრება ჯარიმის გადახდა (გარდა მიწოდების ვადის დარღვევისა) ყოველ ჯერზე ხელშეკრულების ღირებულების 0,1%-ის ოდენობიდან.
- 8.3 კონკრეტულ ობიექტ(ებ)ზე გადაცემული გეგმა-გრაფიკის 1-დან 10 კალენდარულ დღემდე ვადით დარღვევის შემთხვევაში, მიმწოდებელს დაეკისრება პირგასამტეხლოს გადახდა – ყოველ ვადაგადაცილებულ დღეზე გეგმა-გრაფიკით გათვალისწინებული კონკრეტული ობიექტ(ებ)ის შეუსრულებელი სამუშაოების ღირებულების 0.25%-ის ოდენობით, კონკრეტულ ობიექტ(ებ)ზე გადაცემული გეგმა-გრაფიკის 10-დან 20 კალენდარულ დღემდე ვადით დარღვევის შემთხვევაში, მიმწოდებელს დაეკისრება პირგასამტეხლოს გადახდა – ყოველ ვადაგადაცილებულ დღეზე გეგმა-გრაფიკით გათვალისწინებული კონკრეტული ობიექტ(ებ)ის შეუსრულებელი სამუშაოების

ღირებულების 0.5%-ის ოდენობით, ხოლო კონკრეტულ ობიექტ(ებ)ზე გადაცემული გეგმა-გრაფიკის 20 კალენდარულ დღეზე მეტი ვადით დარღვევის შემთხვევაში, მიმწოდებელს დაეკისრება პირგასამტეხლოს გადახდა – ყოველ ვადაგადაცილებულ დღეზე გეგმა-გრაფიკით გათვალისწინებული კონკრეტული ობიექტ(ებ)ის შეუსრულებელი სამუშაოების ღირებულების 0.7%-ის ოდენობით.

8.4 კონკრეტულ ობიექტ(ებ)ზე გადაცემული გეგმა-გრაფიკის 20 კალენდარულ დღეზე მეტი ვადით დარღვევის ან/და ხელშეკრულების შეწყვეტის შემთხვევაში მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად.

8.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

8.6 საჯარიმო სანქციით დაკისრებული თანხა გადახდილი უნდა იქნეს მხარისათვის (მიმწოდებელი) აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან 1 თვის ვადაში.

9. ხელშეკრულების შესრულების გარანტია

9.1 იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოიყენება გარანტირების მექანიზმის შემდეგი სახე – საბანკო გარანტია, ხელშეკრულების საერთო ღირებულების -- %-ის ოდენობით.

9.2 ხელშეკრულების შესრულების საბანკო გარანტიის მოქმედების ვადა არანაკლებ 30 კალენდარული დღით უნდა აღემატებოდეს ხელშეკრულებით დადგენილ საბოლოო ვადას.

9.3 მიმწოდებელს მისი წერილობითი მოთხოვნის საფუძველზე ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმების შემდეგ.

9.4 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

10. ხელშეკრულების შეწყვეტა

10.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

10.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

10.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.5 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

10.6 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) კონკრეტულ ობიექტზე გადაცემული გეგმა-გრაფიკის 20 (ოცი) კალენდარულ დღეზე მეტი ვადით დარღვევის შემთხვევაში;

ბ) ხელშეკრულების პირობების ორჯერ დარღვევის შემთხვევაში;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

10.7 ამ მუხლის მე-6 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოს ღირებულება.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

12. უსაფრთხოება და გარემოს დაცვა

12.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

12.2 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

13. ხელშეკრულებაში ცვლილებების შეტანა

13.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

13.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

14. უფლებების გადაცემა

14.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

14.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

14.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

14.4 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15. ფასები

15.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

15.2 მხარეთა შეთანხმებით დასაშვებია ხელშეკრულების ღირებულების შეცვლა.

15.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

15.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

15.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

16. ურთიერთობა ხელშეკრულების დამდებ მხარეებს შორის

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

16.2 შეტყობინება შედის ძალაში ადრესატის მიერ მისი მიღების დღეს.

17. სადაო საკითხების გადაწყვეტა

17.1 ხელშეკრულების დამდები მხარეები თანხმდებიან მასზედ, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით ან/და მოგვარდეს პირდაპირი არაოფიციალური მოლაპარაკებების მეშვეობით სამართლიანობის ფარგლებში.

17.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს

17.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

17.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. სხვა პირობები

18.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

18.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

19. მხარეთა იურიდიული რეკვიზიტები

შემსყიდველი:

მიმწოდებელი

ქ. თბილისში, მდინარე მტკვრის მარჯვენა სანაპიროს ტერიტორიაზე მარტივი ტიპის ხელოვნურსაფარიანი სპორტული მოედნების მოწყობა, აღდგენა-რეკონსტრუქციის სამუშაოების ხარჯთაღრიცხვა

პრეტენდენტის დასახელება _____

N	სამუშაოს დასახელება	განზომილება	რაოდენობა	ერთეულის ფასი (ლარი)	საერთო ფასი (ლარი)
1	მოედნის ფართობის მომზადება სამუშაოების დასაწყებად	კვ.მ	20000		
2	მიწის სამუშაოები ხელით ქვაბულში, ტრანშეებში, არხებში და საფუძვლის პლანირება	კუბ.მ	180		
3	რკ/ბეტონის ფუნდამენტის მ200 ცოკოლის მოწყობა მოედნის მთელ პერიმეტრზე ქარგილებით (ა-III კლასის არმატურით)	კუბ.მ	150		
4	მოედანზე ბალასტის გამასწორებელი ფენის შეტანა, გაშლა და დატკეპნა 95% სიმტკიცეზე	კუბ.მ	305		
5	შერეული ფრაქციის (20-40) ღორღის შეტანა გაშლა და დატკეპნა	კუბ.მ	1100		
6	კომბინირებული მოედნისათვის ნორმის შესაბამისად ბეტონის (მ-250) საფარის მოჭიმვა სისქით საშუალოდ 5სმ და წყლის გადასაყვანად ზედაპირის ქანობის მოწყობა 0,5-0,65%-ის	კუბ.მ	895		
7	დ=100მმ პლასტმასის მილის დატანება ზედაპირიდან წყლის გადასაყვანად	გრძ.მ	30		
8	არსებული ხელოვნური საფარის დემონტაჟი და გატანა სპეც. ნაგავსაყრელზე	კვ.მ	20000		

9	ხელოვნური საფარის (25მმ) შეტანა, გაშლა და დაწებება (დანაკარგების 5%-ს გათვალისწინებით)	კვ.მ	21800		
10	ლითონის (80/80მმ) მილკვადრატების მოწყობა	გრძ.მ	1900		
11	ლითონის 40მმ-იანი მილკვადრატების მოწყობა განივად დასამაგრებლად	გრძ.მ	5200		
12	არსებული ლითონის ბადის და კონსტრუქციის დემონტაჟი დატვირთვა და დასაწყობება	კვ.მ	16000		
13	მოედნის შემოღობვა პლასტმასის გარსით იზოლირებული 4მმ-იანი ლითონის მავთულბადით. იგივე მასალის მავთულის სამაგრებით 05 მეტრი ინტერვალით	კვ.მ	17100		
14	ბაგირის დამჭიმი	ცალი	720		
15	მავთულბადის დამჭერი ბაგირი (4მმ) იზოლაციით	გრძ.მ	19700		
16	მავთულბადის დამჭერი ზოლოვანა	გრძ.მ	520		
17	მოედანზე შესასვლელი კარის მოწყობა (40X40 მილკვადრატით) კუთხოვანაში ჩასმული ბადით	ცალი	64		
18	მოედანის თავზე გადასაკერელი ბადე	კვ.მ	2000		
19	ბადის დამჭერი ბაგირი იზოლაციით	გრძ.მ	900		
20	ფეხბურთის კარების მოწყობა 76მმ-იანი მილუბისაგან	ცალი	36		
21	ფეხბურთის კარის ბადის მოწყობა	ცალი	90		
22	მეტალო კონსტრუქციების შედგება	კვ.მ	4400		
23	გარეცხილი ქვიშის შეტანა და გაშლა	კუბ.მ	360		
24	კალათბურთის ბოძის (120X120), მილ-კვადრატით მოწყობა	ცალი	24		
25	ტრიბუნების კარკასის მოწყობა ფოლადის კვადრატული	გრძ.მ	720		

	მიღებით (80X60მმ)				
26	ტრიბუნების კარკასზე გარანდული ხის ფიცრით (სისქე 5სმ) იატაკის მოწყობა	კუბ.მ	7		
27	დასაჯდომი პლასტმასის სკამების მოწყობა	ცალი	200		
28	ტრიბუნების; ფოლადის კვადრატული მილების და ხის კონსტრუქციების შეღებვა ორ ფენად მაღალი ხარისხის საღებავით	კვ.მ	420		
29	არმირებული ბეტონის მოჭიმვა 7სმ (მ250)	კვ.მ	1300		
30	არსებული მილის (76მმ) დაგრძელება	გრძ.მ	400		
31	განივი მილების მონტაჟი სტადიონის პერიმეტრზე (ფ40)	გრძ.მ	6200		
32	კალათბურთის ბოძზე ფარის მოწყობა 2მმ-იანი ფურცლოვანი ფოლადით (80სმX125სმ), მილკვადრატის (20X20) 8,2გრ/მ კარკასით	ცალი	40		
33	კალათბურთის ფარებზე რკალის და ბადის მოწყობა	ცალი	90		
34	სამშენებლო ნაგვის დატვირთვა და გატანა ნაგავსაყრელზე	ტონა	130		
	ჯამი:				
	<i>ზედნადები ხარჯი</i>	--%			
	ჯამი:				
	<i>მოგება</i>	--%			
	ჯამი:				
	<i>გაუთვალისწინებელი ხარჯი</i>	3%			
	ჯამი:				
	<i>დ.ღ.გ.</i>	18%			
	სულ ჯამი:				

*ხარჯთაღრიცხვის შედგენისას (მოგებისა და ზედნადების განსაზღვრისას) იხელმძღვანელოთ საქართველოს მთავრობის 2014 წლის 14 იანვრის N55 დადგენილებით.

* ხარჯთაღრიცხვის ექსელის ფორმატის ფაილი ატვირთულია სატენდერო დოკუმენტაციასთან ერთად.

ხელმოწერა _____ ბ.ა.

**ხელშეკრულების შესრულების საგარანტიო უზრუნველყოფა
(საბანკო გარანტია)**

ვის: _____

(შემსყიდველის დასახელება)

მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)

ინფორმაცია პრეტენდენტის
გამოცდილების შესახებ

პრეტენდენტის დასახელება -----

#	დასახელება	შემსყიდველის დასახელება	ხელშეკრულების ღირებულება	დაწყება- დასრულების თარიღი
1.				
2.				
3.				
N.				

შენიშვნა:

ინფორმაცია პრეტენდენტის 2011 წლის 1 იანვრიდან მინიმუმ 800 000 (რვაასი ათასი) ლარის ღირებულების მარტივი ტიპის, ხელოვნურსაფარიანი სპორტული მოედნების მოწყობა, აღდგენა-რეკონსტრუქციის სამუშაოების შესრულების გამოცდილების შესახებ მოცემული უნდა იყოს დანართი #3-ით გათვალისწინებულ ცხრილში. აღნიშნული, შესაბამის დამადასტურებელ დოკუმენტაციასთან (ხელშეკრულებ(ებ)ი, მიღება-ჩაბარების აქტ(ებ)ი), ერთად ატვირთული უნდა იქნას ერთიან ელექტრონულ სისტემაში ტექნიკურ დოკუმენტაციასთან ერთად.

ხელმოწერა _____
ბ.ა